

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dan. Stalii Regulae Philosophicae explicatae & Orationes aliquot

Stahl, Daniel

Jenae, 1662

Regula II. Quando conditionalis est vera, si ejus antecedens est necessarium, etia consequens est necessarium

urn:nbn:de:bsz:31-102400

at & suppositionem propriam & impropriam complectatur. Nam cum dico: *Candor est virtus*; *candor* non propriè pro colore, sed impropriè, ut ad animum translata vox est, debet sumi, quia prædicatum *virtus* non aliter permittit, cum *virtus* de colore non possit verè prædicari.

III. Nec dubito, quin commutatis terminis ita dicendum sit: *Talia sunt prædicata, qualia permittuntur esse à suis subjectis*. Et sic usurpari etiam solet. Et certè si cum dico: *Homo est species*; tale est subjectum, quale permittitur à prædicato, sequitur, cum propositionem converto & dico: *Quadam species est homo*; tale esse prædicatum *homo*, quale permittitur esse à subjecto, nempe simpliciter accipi, cum subjectum *species*, non aliter patiat. Ita cum Christus dicit: *Herodes est vulpes*, quomodo sumendum sit prædicatum, nempe metaphoricè, ex subjecto discimus, quia subjectum respuit sibi conjugii vocem *vulpes* in propria significatione. Vide circa hanc Regulam *Vat & quæz. P. I. T. I. Disp. LXX. n. 3 & 4.*

REGULA II.

Quando conditionalis est vera, si ejus antecedens est necessarium, etiã consequens est necessarium. Thomas P. I.

q. XIV. a. XII.

I. Non videtur hæc Regula vera esse, quia sequere.

queretur aliàs absurdum, nempe homines peccare
ex necessitate. Argumentum sit hoc:

*Si Deus ab aeterno præscivit Antichristum vel
quosque alios homines peccaturos, pecca-
bunt.*

*Hæc propositio conditionalis vera est, & antec-
edens est necessarium.*

*E. ut posita Regula etiam consequens necessari-
um est.*

II. Ad hanc difficultatem, quæ Autores diu
multumque torfit, expedite responderi Becanus
Part. I. Theol. Schol. Tr. I. cap. X. Quæst. XII. §. 7.
& s. cujus verba apponemus: *Illæ Regulae Dia-
lecticorum, inquit, quando conditionalis propositio
est vera, si ejus antecedens est necessarium, etiam
consequens est necessarium, locum habet, quando
antecedens est necessarium ex intrinsecâ connexio-
ne terminorum, non autem, quando solum est ne-
cessarium ex accidenti seu ex suppositione. Constat
autem, hoc antecedens: Deus præscit Antichri-
stum peccaturum, non esse necessarium ex intrinse-
câ connexionem terminorum, quia præscientia DEI
non habet intrinsecam connexionem cum peccato
& Antichristi. Est tamen necessarium ex supposi-
tione, quia positò, quod Antichristus sit peccaturus,
non potest hoc DEUS ignorare. Hæc solutio
brevis & clara est. Potest tamen aliter & sub al-
iis terminis explicari. Duplex enim necessitas est
aliter.*

licuius
su conse
ntur ex
aliquo ad
causa, ne
cessarium
venit à c
rans seu
causa am
ne effect
si proven
sistere; p
sederit;
Hæc nec
supponit
peccatur
antes de
necessita
perante
positione
christus
rum esse
ut. N
prove

discimus effectus; una antecedens, altera comitans
 seu consequens. Antecedens necessitas est, quæ o-
 ritur ex causa antecedente, & necessario operante,
 atque ad unum determinatâ. Positâ enim tali
 causa, necessario sequitur effectus. Hoc pacto ne-
 cessarium est, Solem cras oriri, quia ortus Solis pro-
 venit à causa necessaria & determinata. Comi-
 tans seu consequens necessitas est, quæ non oritur ex
 causa antecedente & necessaria, sed ex ipsa positio-
 ne effectus, etiamsi effectus liber sit, & à libera cau-
 sa proveniat. Hoc pacto necessarium est, Petrum
 sedere;posito quod sedeat; aut sedisse,posito, quod
 sederit; aut sessurum esse,posito, quod sessurus sit.
 Hæc necessitas non tollit libertatem, sed potius præ-
 supponit. Quod ergo Deus præsciat, Antichristum
 peccaturum, est quidem necessarium, non tamen
 antecedente, sed consequente necessitate. Illa enim
 necessitas non oritur ex aliqua causa necessario o-
 perante, quæ precedat peccatum, sed oritur ex ipsa
 positione futuri peccati. Positô enim, quod Anti-
 christus liberè sit peccaturus, necesse est, peccatu-
 rum esse, & Deum hoc non ignorare, qui omnia no-
 vit. Nihilominus, quod sit peccaturus, hoc non
 provenit ex aliqua causa antecedente, quæ
 urgeat aut necessitet illum ad pec-
 candum. Hæc Be-

canus.

REGU.